

gadi con grandissima credenza comandà di questa materia, a hore do di note.

*Di Candia, vidi lettere particular di sier Zuan Alvise Pisani consier, drizate a sier Luca Barbarigo qu. sier Benedetto, date a dì 2 Settembre.* Scrive, prima dil gripo preso da le fuste di turchi sopra Setia, di raxon di Prioli, et come si tien l'altro, perchè si slargò la note in mar esser scapolado e andato in Alexandria, qual era cargo, di raxon di sier Mafio Bernardo. Scrive aver lettere di Alexandria di sier Hironimo di Prioli qu. sier Marco, di primo Avosto, lo avisa le poche facende si fa de li, et che non era la causa di spezie che sono in gran precio, e dise che avea auto nova de India, che ne era gran quantità di spezie di ogni sorte, ma le non poria esser in Alexandria fino a mexi 4, et questo per rispetto di le barze portogalese che se atrova in quelli lochi e avea preso el Ziden, et per questo disturbava la venuta di le spezie, et zudegava le nostre galie fariano poche facende. Et manda il corso di le merze restano in Alexandria, et *etiam* di le spezie. Et dize, che la nave patron Ixeppo di Zuane era in Alexandria, avea tolto el partido per Venetia et partirà di li fino uno mexe; e che le nave di Franza saranno expedite *etiam* loro fino uno mexe.

*Dil dito, di 22 Settembre.* Come hanno auto dal retor di Sytia, le fuste turchesche si ritrovava ancora a Cao Malio, e posto in terra e preso 4 homeni di Sitia, e morto gran numero di animali. E per il rezimento di Candia fo subito mandà le do galie andavano in Cipro, Faliere e Trevixana e la galia Pasqualiga venuta di li a disarmar a la volta di Cao Salomon, per veder di aver queste fuste e riaver il gripo preseno; e la galia Pasqualiga è tornata e dize non aver trovato fusta alcuna, ma *solum* trovò al Cao tre galioni venivano di Rodi, armadi per il Papa, e andavano a la volta di Ponente per disarmar, e sul galion del capitano era Alvise di Fantini, gobo, nostro venetian, qual par sia tutto di quel capitano. Le do altre galie nostre sono andate alla volta di Cipro. È lettere dil Baylo di Constantinopoli, di 24 dil passato a questo rezimento. Scrive, come il Signor, havendo deliberà di mandar Salman rais con do galie et 4 fuste a compagnar le barche charge di merchadantia per Alexandria, e scrive capitando a Cao Salomon, li dovesse darli vituarie et quello li bisognava; et cussi per questo rezimento è stà scritto in Setia, capitando de li ditti navilii li fazino bona compagnia; et quel medemo è stà scritto al Provedador di l'armada fazi il medemo. Scrive, che 'l Signor turco volea andar in Andernopoli et

ancora lui Baylo zudegava dover andar. Et che si dovesse dir a merchadanti, conduga li vini et mercantie de li che i saranno ben acarezadi, non obstante che l'Arzipielago sia pieno di corsari i quali stanno contro il voler del Signor; e che si dovesse scriver al Proveditor andasse a la volta del Arzipielago per butarli a fondi esse fuste si potrà farlo. Et per avisi particular in merchadanti, si à da Constantinopoli come de li è il morbo grande; *tamen* per lettere del Baylo non è questo aviso. Et è capità di qui uno navilio cargo di salumi, di rason di Alvise Griti del clarissimo missier Andrea vien da Constantinopoli, è stà mandato a la Standia aziò li homeni non posano dismontar in terra per non amorbar questa ixola. Di qui si atende a la fortification, e se va tajando le piere per far le fundamenta del bastion che se principierà, e si spende di danari di la Signoria, perchè li zentilhomeni hanno 18 tansadori et in città hanno eleti li cittadini numero 12; et cussi harano il clero et zudei per esser con la parte tochè a la Signoria nostra.

*Corso di le merze rese in Alexandria  
a dì primo Avosto 1520.*

188

Ogi, ducati 19.  
Savoni, ducati 23.  
Mieli, ducati 17.  
Melazi, ducati 33.  
Zebibi di le Smirne, ducati 7.  
Noxe, ducati 9.  
Noxele, ducati 9 1/2.  
Mandole, ducati 26.  
Panni di 100 scarlati di Venetia, ducati 7 in 7 1/2.  
Paonazi, ducati 5 1/2, de 80.  
Scarlati, ducati 5, de 70 } 20 in 22 ducati  
Paonazi, ducati 4 1/2, de 70 }  
Carisee, ducati 20 in 26.  
Bisguatari, ducati 35.  
Perpignani, ducati 12 la doxena.  
Vesentini, ducati 16 in 18.  
Altre sorte panni a rasonevol precio.  
Banda larga, ducati 60.  
Raspada, ducati 60.  
Fil, ducati 50.  
Rami lavoradi, ducati 64.  
» in pan, ducati 46.  
» in verge, ducati 40.  
Stagni, ducati 90.  
Feri stagnadi, ducati 7.  
Verde rame, ducati 60.